

तेलकटाहगाथा

॥नमो तस्स भगवतो अरहतो सम्मासम्बुद्धस्स ॥

१. लंकिस्सरो जयतु वारणराजगामी
भोगिन्दभोग रुचिरायत पीण बाहु,
साधुपचारनिरतो गुणसन्निवासो
धम्मो ठितो वीगतकोधमदावलेपो ।
२. यो सब्बलोकमहितो करुणाधिवासो
मोक्खाकरो रविकुलम्बर पुण्ण चन्दो,
जेय्योदधिं सुविपुलं सकलं विबुद्धो
लोकुत्तमं नमथ तं सिरसा मुनिन्दं ।
३. सोपानमालममलं तिदसालयस्स
संसार सागरसमुत्तरणाय सेतुं,
सब्बागतीभय विवज्जित खेम मग्गं
धम्मं नमस्सथ सदा मुनिना पणीतं ।
४. देय्यं तदप्पमपि यत्थ पसन्न चित्ता
दत्त्वा नरा फलमुळारतरं लभन्ते,
तं सब्बदा दसबलेनपि सुप्पसत्थं
सङ्गं नमस्सथ सदामितपुञ्जखेत्तं ।
५. तेजो बलेन महता रतनत्तयस्स
लोकत्तयं समधिगच्छति येन मोक्खं,
रक्खा न चत्थि च समा रतनत्तयस्स
तस्मा सदा भजथ तं रतनत्तयं भो ।
६. लंकिस्सरो परहितेकरतो निरासो
रत्तिम्पि जागररतो करुणाधिवासो,
लोकं विबोधयति लोकहिताय कामं
धम्मं समाचरथ जागरियानुयुत्ता ।
७. सत्तोपकार निरता कुसले सहाया
भो दुल्लभा भुवि नरा विहतप्पमादा,
लंकाधिपं गुणधनं कुसले सहायं

आगम्म संचरथ धम्ममलं पमादं ।

८. धम्मो तिलोक सरणो परमो रसानं
धम्मो महग्घरतनो रतनेसु लोके,
धम्मो भवे तिभवदुक्ख विनासहेतु
धम्मं समाचरथ जागरियानुयुत्ता ।
९. निहं विनोदयथ भावयथप्पमेय्यं
दुक्खं अनिच्चम्पि चेह अनत्ततज्ज,
देहे रतिं जहथ ज जज्जरभाजनाभो
धम्मं समाचरथ जागरियानुयुत्ता ।
१०. ओकास मज्ज मम नत्थि सुवे करिस्सं
धम्मं इतीहलसता कुसलप्पयोगे,
नांलं तियद्धसु तथा भुवनत्तये च
कामं न चत्थि मनुजो मरणा पमुत्तो ।
११. खित्तो यथा नभसि केनचिदेव लेडु
भूमिं समापत्ति भारतया खणेन,
जातत्तमेव खलु कारणमेकमत्र
लोकं सदा ननु ध्रुवं मरणाय गन्तुं ।
१२. कामं नरस्स पततो गिरिमुद्धनातो
मज्झे न किञ्चि भयनिस्सरणाय हेतु,
कामं वजन्ति मरणं तिभवेसु सत्ता
भोगे रतिं पजहथापि च जीविते च ।
१३. कामं पतन्ति महिया खलु वस्सधारा
विज्जुल्लता विततमेघ मुखा पमुत्ता,
एवं नरा मरणभीम पपातमज्झे
कामं पतन्ति नहि कोचि भवेसु निच्चो ।
१४. वेलातटे पटुतरोरु तरंगमाला
नासं वजन्ति सततं सलिलालयस्स,
नासं तथा समुपयन्ति नरामरानं
पाणानि दारुणतरे मरणोदधिम्हि ।

१५. रुद्धोपि सो रथवरस्सगजाधिपेहि
योधेहि चापि सबलेहि च सायुधेहि,
लोकं विवंचिय सदा मरणूसभो सो
कामं निहन्ति भुवनत्तय सालि दण्डं ।

१६. भो मारुतेन महता विहतो पदीपो
खिप्पं विनास मुखमेति महप्पभोपि,
लोके तथा मरणचण्ड समीरणेन
खिप्पं विनस्सति नरायुमहा पदीपो ।

१७. रामज्जुनप्पभूति भूपति पुंगवा च
सूरा पुरे रणमुखे विजितारि सङ्घा,
तेपीह चण्ड मरणोघ निमुग्गदेहा
नासं गता जगति के मरणा पमुत्ता?

१८. लक्खी च सागरपटा सधराधरा च
सम्पत्तियो च विविधा अपि रूपसोभा,
सब्बा च ता अपि च मित्तसुता च दारा
के चापि कं अनुगता मरणं वजन्तं?

१९. ब्रह्मासुरासुरगणा च महानुभावा
गन्धब्बकिन्नरमहोरगरक्खसा च,
ते चा परे च मरणगिसिखाय सब्बे
अन्ते पतन्ति सलभा इव खीणपुञ्जा ।

२०. ये सारिपुत्तपमुखा मुनिसावका च
सुद्धा सदासवनुदा परमिद्धिपत्ता,
ते चापि मच्चुवळभा मुख सन्निमुग्गा
दीपानिवानलहता खयतं उपेता ।

२१. बुद्धापि बुद्धकमलामलचारुनेत्ता
बत्तिसलक्खण विराजित रूपसोभा,
सब्बासचक्खयकरापि च लोकनाथा
सम्मदिता मरणमत्तमहागजेन ।

२२. रोगातुरेसु करुणा न जरातुरेसु
खिट्ठापरेसु सुकुमारकुमारकेसु,

लोकं सदा हनति मच्चु महागजिन्दो
दवानलो वनमिवावरतं असेसं ।

२३. आपुण्णता न सलिले न जलासयस्स
कट्टस्स चापि बहुता न हुतासनस्स,
भुत्वान सो तिभूवनम्पि तथा असेसं
भो निद्वयो न खलु पीतिमुपेति मच्चु ।

२४. भो मोह मोहिततया विवसो अधज्जो
लोको पतत्यपिपि मच्चुमुखे सुभीमे,
भोगे रतिं समुपयाति निहीनपज्जो
दोला तरङ्गचपले सुपिनोपमेय्ये ।

२५. एकोपि मच्चुरभिहन्तुमलं तिलोकं
किं निद्वया अपि जरामरणानुयायी,
को वा करेय्य विभसुवेसु च जीवितासं
जातो नरो सुपिन संगम सन्निभेसु ।

२६. निच्चातुरं जगदिदं सभयं ससोकं
दिस्वा च कोधमदमोहजराभिभूतं,
उब्बेगमत्तमपि यस्स न विज्जती चे
सो दारुणो न मरणं वत तं धिरत्थु!
भो भो न पस्सथ जरासिधरज्झि मच्चु
माहज्जमानमखिलं सततं तिलोकं,
किं निद्वया नयथ वीतभया तियामं
धम्मं सदा सवनुदं चरथ'प्पमत्ता ।

२७. भावेथ भो मरणमारविवज्जनाय
लोके सदा मरण सज्जमिमं यतत्ता,
एवज्झि भावनरतस्स नरस्स तस्स
तण्हा पहीयति सरीरगता असेसा ।

२९. रूपं जरा पियतरं मलिनीकरोति
सब्बं बलं हरति अत्तनि घोररोगो,
नानूपभोग परिरक्खित मत्तभावं
भो मच्चु संहरति किं फलमत्तभावे?

३०. कम्मनिलापहतरोगतंरंगभंगे
संसार सागर मुखे वितते विपन्ना,
मा मापमादमकरित्थ करोथ मोक्खं
दुक्खोदयो ननु पमादमयं नरानं ।
३१. भोगा च मित्तसुतपोरिस बन्धवा च
नारी च जीवितसमा अपि खेत्तवत्थु,
सब्बानि तानि परलोकमितो वजन्तं
नानुब्बजन्ति कुसलाकुसलं व लोके ।
३२. भो विज्जुचंचलतरे भवसागरमिह
खित्ता पुरा कतमहापवनेन तेन,
कामं विभिज्जति खणेन सरीरनावा
हत्थे करोथ परमं गुणहत्थसारं ।
३३. निच्चं विभिज्जतिह आमक भाजनं व
संरक्खितोपि बहुधा इह अत्तभावो,
धम्मं समाचरथ सग्गपतिप्पतिट्ठं
धम्मो सुचिण्णमिहमेव फलं ददाति ।
३४. रन्त्वा सदा पियतरे दिवि देवरज्जे
नम्हा चवन्ति विबुधा अपि खीणपुज्जा,
सब्बं सुखं दिवि भुवीह वियोगनिट्ठं
को पज्जवा भवसुखेसु रतिं करेय्य?
३५. बुद्धो ससावकगणो जगदेकनाथो
तारावलीपरिवुतोपि च पुण्णचन्दो,
इन्दोपि देवमकुटंकित पादकज्जो
को फेणपिण्ड-न-समो तिभवेसु जातो?
३६. लीलावतंसमपि योब्बन रूपसोभं
अत्तूपमं पियजनेन च सम्पयोगं,
दिस्वापि विज्जुचपलं कुरुते पमादं
भो मोहमोहितजनो भवरागरत्तो ।
३७. पुत्तो पिता भवति मातु पतीह पुत्तो
नारी कदाचि जननी च पिता च पुत्तो,

एवं सदा विपरिवर्तति जीवलोको
चित्ते सदातिचपले खलु जातिरङ्गे ।

३८. रन्त्वा पुरे विविधफुल्ललताकुलेहि
देवापि नन्दनवने सुरसुन्दरीहि,
ते वे'कदा विततकण्टकसंकटेसु
भो कोटिसिम्बलिवनेसु फुसन्ति दुःखं ।

३९. भुत्वा सुधन्नमपि कञ्चनभाजनेसु
सगगे पुरे सुरवरा परमिद्धिपत्ता,
ते चापि पज्जलितलोहगुलं गिलन्ति
कामं कदाचि नरकालय वासभूता ।

४०. भुत्वा नरिस्सरवरा च महिं असेसं
देवाधिपा च दिवि दिब्बसुखं सुरम्मं,
वासं कदाचि खुरसञ्चितभूतलेसु
ते वा महारथगणानुगता दिवीह ।

४१. देवङ्गना ललितभिन्नतरङ्गमाले
रङ्गे महिस्सरजटामकुटानुयाते,
रन्त्वा पुरे सुरवरा पमदासहाया
ते चापि घोरतरवेतरणिं पतन्ति ।

४२. फुल्लानि पल्लवलताफलसंकुलानि
रम्मानि नन्दनवनानि मनोरमानि,
दिब्बच्छराललितपुण्णदरीमुखानि
केलासमेरुसिखरानि च यन्ति नासं ।

४३. दोला'निला'नलतरंगसमा हि भोगा
विज्जुप्पभातिचपलानि च जीवितानि,
मायामरीचिजलसोमसमं सरीरं
को जीविते च विभवे च करेय्य रागं?

४४. किं दुःखमत्थि न भवेसु च दारुणेसु
सत्तोपि तस्स विविधस्स न भाजनो को,
जातो यथा मरणरोगजराभिभूतो
को सज्जनो भवरतिं पिहयेय्य'बालो?

४५. के वापि पज्जलितलोहगुलं गिलन्ति
सक्का कथञ्चिदपि पाणितलेन भीमं,
दुक्खोदयं असुचिनिस्सवनं अनन्तं
को कामयेथ खलु देहमिमं अबालो?
४६. लोके न मच्चुसममत्थि भयं नरानं
न व्याधिदुक्खसममत्थि च किञ्चि दुक्खं,
एवं विरूपकरणं न जरासमानं
मोहेन भो रतिमुपेति तथापि देहे ।
४७. निस्सारतो नलकलीकदलीसमानं
अत्तानमेव परिहज्जति अत्तहेतु,
सम्पोसितोपि कुसहाय इवाकतज्जू
कायो न यस्स अनुगच्छति कालकेरा ।
४८. तं फेणपिण्डसदिसं विससूलकप्पं
तोया'निला'नलमहीउरगाधिवासं,
जिण्णालयं व परिदुब्बलमत्तभावं
दिस्वा नरो कथमुपेति रतिं सपज्जो?
४९. आयुक्खयं समुपयाति खणे खणेपि
अन्वेति मच्चु हननाय जरासिपाणी,
कालं तथा न परिवत्तति तं अतीतं
दुक्खं इदं ननु भवेसु अचिन्तनीयं?
५०. अप्पायुकस्स मरणं सुलभं भवेसु
दीघायुकस्स च जरा व्यसनं च'नेकं,
एवं भवे उभयतोपि च दुक्खमेव
धम्मं समाचरथ दुक्खविनासनाय ।
५१. दुक्खग्गिना सुमहता परिपीळितेसु
लोकत्तयस्स वसतो भववारकेसु,
सब्बत्तता सुचरितस्स पमादकालो
भो भो न होति परमं कुसलं चिणाथ ।
५२. अप्पं सुखं जललवं विय भो तिणग्गे
दुक्खन्तु सागरजलं विय सब्बलोके,

संकप्पना तदपि होति सभावतो हि
सब्बं तिलोकमपि केवलदुक्खमेव ।

५३. कायो न यस्स अनुगच्छति कायहेतु
बालो अनेकविधमाचरतीह दुक्खं,
कायो सदा कलि मलाकलिलज्झि लोके
काये रतो नवरतं व्यसनं परेति

५४. मीळ्हाकरं कलिमलाकरमामगन्धं
सूळ्हासिसल्लविसपन्नगरोगभूतं,
देहं विपस्सथ जरामरणाधिवासं
तुच्छं सदा विगतसारमिमं विनिन्द्यं ।

५५. दुक्खं अनिच्चमसुभं वत अत्तभावं
मा संकिलेसय न विज्जति जातु निच्चो,
अम्भो न विज्जति हि अप्पमपीह सारं
सारं समाचरथ धम्ममलं पमादं ।

५६. मायामरीचिकदलीनलफेणपुञ्ज-
गंगातरङ्गजलबुब्बुलसन्निभेसु,
खन्धेसु पञ्चसु छळायतनेसु तेसु
अत्ता न विज्जति हि को न वदेय्य बालो?

५७. वज्झासुतो ससविसाणमये रथे तु,
धावेय्य चे चिरतरं सधुरं गहेत्वा,
दीपच्चिमालमिव तं खणभङ्गभूतं
अत्ताति दुब्बलतरन्तु वदेय्य देहं ।

५८. बालो यथा सलिलबुब्बुलभाजनेन
आकण्ठतो वत पिबेय्य मरीचितोयं,
अत्तानि साररहितं कदलीसमानं
मोहा भणेय्य खलु देहमिमं अनत्तं ।

५९. यो दुम्बरस्स कुसुमेन मरीचितोयं
वासं यदिच्छति स खेदमुपेति बालो,
अत्तानमेव परिहज्जति अत्तहेतु
अत्ता न विज्जति कदाचिदपीह देहे ।

६०. पोसो यथा हि कदली सुविनिष्पुजन्तो
सारं तदप्पम्पि नोपलभेय्य कामं,
खन्धेसु पंचसु छळायतनेसु तेसु
सुज्जेसु किञ्चिदपि नोपलभेय्य सारं ।
६१. सुत्तं विना न पटभावमिहत्थि किञ्चि
देहं विना न खलु कोचि मिहत्थि सत्तो,
देहो सभावरहितो खणभंगयुत्तो,
को अत्तहेतु अपरो भुवि विज्जतीह?
६२. दिस्वा मरीचिसलिलज्झि सुदूरतो भो
बालो मिगो समुपधावति तोयसज्जी,
एवं सभावरहिते विपरीतसिद्धे
देहे परेति परिकप्पनया हि रागं ।
६३. देहे सभावरहिते परिकप्पसिद्धे
अत्ता न विज्जति हि विज्जुमिवन्तलिकखे,
भावेथ भावनरता विगतप्पमादा
सब्बासवप्पहननाय अनत्तसज्जं ।
६४. लालाकरीसरुधिरस्सुवसानुलितं
देहं इमं कलिमलाकलिलं असारं,
सत्ता सदा परिहरन्ति जिगुच्छनीयं
नानासुचीहि परिपुण्णघटं यथेव ।
६५. णहात्वा जलज्झि सकलं चतुसागरस्स
मेरुप्पमाणमपि गन्धमनुत्तरज्ज,
पप्पोति नेव मनुजो हि सुचिं कदाचि
किं भो विपस्सथ गुणं किमु अत्तभावे?
६६. देहो स एव विविधासुचिसन्निधानो
देहो स एव वधबन्धनरोगभूतो,
देहो स एव नवधा परिभिन्नगण्डो
देहं विना भयकरं न सुसानमत्थि ।
६७. अन्तोगतं यदिव मुत्तकरीसभागो
देहा बहिं अतिचरेय्य विनिक्खमित्वा,

माता पिता विकरुणा च विनडुपेमा
कामं भवेय्यु किमु बन्धुसुता च दारा?

६८. देहं यथा नवमुखं किमिसङ्गगेहं
मंसट्टिसेदरुधिराकलिलं विगन्धं,
पोसेन्ति ये विविधपापमिहाचरित्वा
ते मोहिता मरणधम्ममहो वतेवं!
६९. गण्डूपमे विविधरोग निवासभूते
काये सदा रुधिरमुत्तकरीसपुण्णे,
यो एत्थ नन्दति नरो ससिगालभक्खे
कामज्झि सोचति परत्थ स बालबुद्धि ।
७०. भो फेणपिण्डसदिसो विय सारहीनो
मीळ्हालयो विय सदा पटिकूलगन्धो,
आसीविसालयनिभो सभयो सदुक्खो
देहो सदा सवति लोणघटोव भिन्नो ।
७१. जातं यथा न कमलं भुवि निन्दनीयं
पङ्केसु भो असुचितोय समाकुलेसु,
जातं तथा परहितम्पि च देहभूतं
तं निन्दनीयमिह जातु न होति लोके ।
७२. द्वत्तिसभागपरिपूरतरो विसेसो
कायो यथा हि नरनारि गणस्स लोके,
कायेसु किं फलमिहत्थि च पण्डितानं
कामं तदेव ननु होति परोपकारं ।
७३. पोसोन पण्डिततरेन तथापि देहो
सब्बत्तना चिरतरं परिपालनीयो,
धम्मं चरेय्य सुचिरं खलु जीवमानो
धम्मे हवे मणिवरो इव कामदो भो
७४. खीरे यथा सुपरिभावितमोसधम्मि
स्नेहेन ओसधबलं परिभासतेव,
धम्मो तथा इह समाचरितो हि लोके
छायाव याति परलोक मितो वजन्तं ।

७५. कायस्स भो विरचितस्स यथानुकूलं
छाया विभाति रुचिरामलदप्पणे तु,
कत्त्वा तथेव परमं कुसलं परत्थ
सम्भूसिता इव भवन्ति फलेन तेन ।
७६. देहे तथा विविधदुक्ख निवासभूते
मोहा पमादवसगा सुखसज्जमूळहा,
तिक्खे यथा खुरमुखे मधुलेहमानो
बाळहज्ज दुक्खमनुगच्छति हीनपज्जो ।
७७. संकप्परागविगते निरतत्तभावे
दुक्खं सदा समधिगच्छति अप्पपज्जो,
मूळहस्स चेव सुखसज्जमिहत्थिलोके
किंपक्कमेव ननु होति विचारमाने ।
७८. सब्बोपभोग धनधज्जविसेसलाभी
रूपेन भो स मकरद्धजसन्निभोपि,
यो योब्बनेपि मरणं लभते अकामं
कामं परत्थपरपाणहरो नरो हि ।
७९. सो याचको भवति भिन्नकपालहत्थो
मुण्डो धिगक्खरसतेहि च तज्जयन्तो,
भिक्षुं सदारिभवने सकुचेलवासो
देहे परत्थि परचित्तहरो नरो यो ।
८०. इत्थी नमुज्जति सदा पुन इत्थिभावा
नारी सदा भवति सो पुरिसो परत्थ,
यो आचरेय्य परदारमलङ्घनीयं
घोरज्ज विन्दति सदा व्यसनज्ज नेकं ।
८१. दीनो विगन्धवदनो च जळो अपज्जो
मूगो सदा भवति अप्पियदस्सनो च,
पप्पोति दुक्खमतुलज्ज मनुस्सभूतो
वाचं मुसा भणति यो हि अपज्जसत्तो ।
८२. उम्मत्तका विगतलज्जगुणा भवन्ति
दीना सदा व्यसनसोकपरायणा च,

जाता भवेसु विविधेषु विरूपदेहा
पीत्वा हलाहलविसंघं सुरं विपञ्चा ।

८३. पापानि येन इह आचरितानि यानि
यो वस्सकोटिनहुतानि अनप्पकानि,
लब्धान घोरमतुलं नरकेसु दुक्खं
पप्पोति चेत्थ विविधव्यसनञ्च नेकं ।

८४. लोकत्तयेसु सकलेसु समं न किञ्चि
लोकस्स सन्तिकरणं रतनत्तयेन,
तंतेजसा सुमहता जितसब्बपापो
सोहं सदाधिगतसब्बसुखो भवेय्यं ।

८५. लोकत्तयेसु सकलेसु च सब्बसत्ता
मित्ता च मज्झरिपुबन्धुजना च सब्बे,
ते सब्बदा विगतारोगभया विसोका
सब्बं सुखं अधिगता मुदिता भवन्तु ।

८६. कायो करीसभरितो विय भिन्नकुम्भो
कायो सदा कलिमलव्यसनाधिवासो,
काये विहज्जति च सब्बसुखन्ति लोको
कायो सदा मरणरोगजराधिवासो ।

८७. सो योब्बनोति थविरोति च बालकोति
सत्ते न पेक्खति विहज्जतिरेव मच्चु,
सोहं ठितोपि सयितोपि च पक्कमन्तो
गच्छामि मच्चुवदनं नियतं तथा हि ।

८८. एवं यथा विहितदोसमिदं सरीरं
निच्चंव तग्गतमना हृदये करोथ,
मेत्तं परित्तमसुभं मरणस्सतिञ्च
भावेथ भावनरता सततं यतत्ता ।

८९. दानादि पुञ्जकिरियानि सुखुद्रयानि
कत्वा च तम्फलमसेस मिहप्पमेय्यं,
देय्यं सदा परहिताय सुखाय चेव
किम्भो तदेव ननु हत्थगतज्झि सारं?

९०. हेतुं विना न भवती हि च किञ्चि लोके
सद्बोव पाणितलघट्टनहेतुजातो,
एवञ्च हेतुफल भावविभागभिन्नो
लोको उदेति च विनस्सति तिष्ठती च ।
९१. कम्मस्स कारणामयञ्हि यथा अविज्जा
भो कम्मना समधिगच्छति जातिभेदं,
जातिं पटिच्च च जरामरणादिदुक्खं
सत्ता सदा पटिलभन्ति अनादिकाले ।
९२. कम्मं यथा न भवतीह च मोहनासा
कम्मक्खयापि च न होति भवेसु जाति,
जातिक्खया इह जरामरणादिदुक्खं
सब्बक्खयो भवति दीपेवानिलेन ।
९३. यो पस्सतीह सततं मुनिधम्मकायं
बुद्धं स पस्सति नरो इति सो अवोच,
बुद्धञ्च धम्मममलञ्च तिलोकनाथं
सम्पस्सितुं विचिन्थापि च धम्मतं भो ।
९४. सल्लवं भो सुनिसितं हृदये निमुगं
दोसत्तयं विविधपापमलेन लित्तं,
नानाविधव्यसनभाजनमप्पसन्नं
पञ्चामयेन बलिसेन निराकरोथ ।
९५. नाकम्पयन्ति सकलापि च लोकधम्मा
चित्तं सदापगतपापकिलेससल्लं,
रूपादयो च विविधा विसया समग्गा
फुट्ठं मेरुसिखरं महतानिलेन ।
९६. संसारदुक्खमगणयेय्य यथा मुनिन्दो
गम्भीरपारमित सागरमुत्तरित्वा,
जेय्यं अबोधि निपुणं हतमोहजालो
तस्मा सदा परहितं परमं चिणाथ ।
९७. ओहाय सोऽधिगतमोक्खसुखं परेसं
अत्थाय संचरि भवेसु महब्भयेसु,

एवं सदा परहितं पुरतो करित्वा
धम्मो मयानुचरितो जगदत्थमेव ।

९८. लब्धान दुल्लभतरञ्च मनुस्सयोनिं
सब्बं पपञ्चरहितं खणसम्पदञ्च,
जत्वान आसवनुदेकहितञ्च धम्मं
को पज्जवा अनवरं न भजेय्य धम्मं?

९९. लब्धान बुद्धसमयं अतिदुल्लभञ्च
सद्धम्म मग्गमसमं सिवदं तथेव,
कल्याणमित्तपवरे मत्तिसम्पदञ्च
को बुद्धिमा अनवरं न भजेय्य धम्मं?

१००. एवम्पि दुल्लभतरं विभवे सुलब्धा
मच्छेरदोस विरता उभयत्थकामा,
सद्धादिधम्मसहिता सततप्पमत्ता
भो! भो! करोथ अमताधिगमाय पुज्जं ।